

中國方志叢書·華北地方·第五六三號


據

清乾隆二十九年刊本
清費廷珍纂修

影印

甘肅省

直隸秦州新志



5460119
成文出版社有限公司印行



10107826

中國方志叢書·華北地方·第五六三號

據

清乾隆二十九年刊本
清費廷珍纂修

影印

甘肅省

直隸秦州新志

(二)

成文出版社有限公司印行



10107827

中國方志叢書·華北地方·第五六三號


據

清乾隆二十九年刊本
清費廷珍纂修

影印

甘肅省

直隸秦州新志



skb
成文出版社有限公司印行



10107828

中國方志叢書·華北地方·第五六三號


據

清乾隆二十九年刊本
清乾隆二十九年刊本
費廷珍纂修

影印

甘肅省

直隸秦州新志



成文出版社有限公司印行



10107829

中國方志叢書·華北地方·第五六三號


據

清乾隆二十九年刊本
費廷珍纂修

影印

甘肅省

直隸秦州新志



成文出版社有限公司印行



10107830

中國方志叢書·華北地方·第五五八號

據


民國·焦國理總纂，賈秉機總編
民國二十四年鉛印本

影印

甘肅省

重修鎮原縣志

成文出版社有限公司印行



10107814

舊志序

古之君子以人國也於其山川雲物草木禽魚諸屬
莫不悉而誌之況於人物之大者乎於其險要阨塞
後徑關梁諸地莫不謹而書之況於封疆邊守之重
且遠者乎文以足言言以足志此其所以志也今天
秦四塞之地被山帶渭天府之國也東有關河南有
漢中西有巴蜀北有代馬故自古帝王都會于此繼
焉史稱秦地剛決蘄絕修習戰備高上氣力故其詩
有王于興師修我甲兵及車駟駟賦諸篇紀陟有言

疆界雖遠險要必爭之地不過數處耳大淮以北地
之要害莫過乎秦故自古弓矢器械車馬之用于斯
志焉若夫據勢勝之地騁狙詐之術征伐關東蠶食
九國其風故不遠也敵王所懷復祖父業秦世父之
秉心忠孝猶奕奕也賈生過秦之論杜甫秦川之詩
非不琅琅聒聒也攻伐戰守則謀臣策士首尾爲用
齊楚趙魏中山之君莫能相尚也故自古英略智謀
諸策于斯誌焉易曰王公設險以守其國孟子曰天
時不如地利言爲國之恃險也又曰地利不如人和

言恃險之由人也孫卿曰天有其時地有其財人有其治國之興也參而由焉卿所謂合其參是也恃險而已卿所謂舍其參是也夫雍州之地宜其崇也峭嶮戰鬪之士宜其俊也山川之險不易也勁利之器不銷也先政之策可循而守也然則雲物草木禽魚諸屬一跡而至耳披圖覽鏡可不亟亟哉是故君子觀於誌都會知守國矣誌弓矢車馬器械知脩備矣誌謀臣策士知所得者在此所失者在彼與聖賢之學遠矣然則秦之有誌自胡可泉先輩載筆以後百

山志卷之二十一
有餘年而闕焉未備豈非邦大夫之過歟三韓姜君
以豐沛之彥來刺西州實藉將予會當甲午崩騫之
變余偕郡守竭音羽之痺者終年民有寧字余顧姜
君曰是非秦州之一大興草乎惜哉舊史之蕪也姜
君乃毅然任哀輯造寧亭王令心古新去其國憇南
湖度夏余遂以其事屬之嚴殿最搜軼微稽裁往復
三閱月而書成州所有人物之大封疆之重山川雲
物草木禽魚之微亦庶于是乎備矣胡先生其許我
哉順治丁酉夏四月分巡隴西道東海宋琬序

關中號神州陸海蓋天下之大觀也隄關而西則爲
天水成紀一大都會余奉命巡蒞茲土始如其履輒
縱觀之山林蔽虧原隰敷衍秀色環峙相錯如繡其
隄區乎已而登畫卦臺闕龍淵謁太昊之故宮眺軒
轅之靈谷則神聖之所鍾也周徧四顧板屋穴居耕
鑿獠狁蓋猶有羲黃之遺俗焉及探諸葛之壘陟伯
陽之臺詢趙壯侯姜伯約權安邱趙文忠之宅過杜
陵草堂故址具在世家系籍猶然存什一於千百也
噫嘻盛哉然前事之不忘後事者之鑑也借令往勝

湮沒無徵不寧山川弗張於職方面執政者亦何以
觀謠俗余因諮之秦守守曰秦故有記爲秦安胡中
丞所編其入往矣歲遠殘缺弗可致余乃檄秦安令
徵遺編於其家得完書卒業記有述有表有志有攷
有列傳其事則自義軒以暨晚近其文則自經傳以
至諸史無所不載而又分門析類條列班班文獻於
是乎有徵矣稽之方輿則其名山曰岷曰隴曰朱圉
曰嶓冢天下之山宗焉其大川曰江曰河曰渭曰漢
天下之水宗焉天地盛德之氣自西北始繼天立極

元聖是毓遷乎尚亡李唐崛起帝業基之文物聲名
猶可概見鉅儒則石作蜀秦祠環駟赤忠武則李唐
趙充國耕鑄文苑則李陵趙壹李白此其煌煌較著
者也脫曰非山川之靈宜不及此繇斯而論其世汗
隆可得而語已周室衰微戎狄錯居涇渭之地秦穆
西伐遂致隴以西有綿諸緄戎翟獫狁之戎漢益迫羌
修戰備選六郡良家子給羽林期門各將材官多出
其地唐季天寶陷於吐蕃咸通始復我郡縣封疆之
臣惟戈矛是急樽俎不遑彼一時也皇祖三犁以來

王庭直空大漢之北秦隴雖稱邊郡然不中兵者二
百餘年文德誕敷庶幾義黃之世都人士暨諸父老
幸而生茲時也不亦恬愉乎哉且志有之天水土厚
水深其人勁悍而質木尚儉約習仁義以善導之易
於興起或驅以猛則其強毅果敢之資亦足以成富
強之業風偃謂何余不佞無能布德意以周境內乃
今室有疾苦藪有逋逃士習漸漓民用漸彥重爲諸
父老憂願諸大夫暨都人士無棄不佞而朝夕修之
務華華奉天時繕地利以興民事蒐未墜飭未周俾

今日之秦壹猶疇昔政教畢舉人文蔚興無爲山川
之辱則不佞幸矣中丞胡公爲昭代名世蓋亦鍾天
水之奇者余不獲身事之猶幸見其文也謀垂有永
因命築氏新之若夫葺佚芟繁則俟後之君子萬曆
二十六年莫春上澣分巡隴右兵備道李國士序

嘉靖戊午暮春郡大夫質菴先生枉駕於余鳥鼠山
房因論政教風俗孰王孰霸孰古孰今續宗對曰巍
巍乎周孔百王之師而萬世之宗也舍周非王矣舍
孔非聖矣侯曰唯然政不皆關雎也教不皆鄒嶧也
如何續宗曰苟志向一於是人皆可以爲周孔矣侯
曰唯夫秦亦大矣考之郡未有記也聞錄於傳侯而
未成也故無傳然無史矣曰然然郡亦有史乎曰今
之郡縣古之國也郡縣之志郡縣之史也曰然則郡
記不屬之子乎續宗再拜以不文辭侯曰郡有子而